

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara:

Apeqqut:

- 1) Aalisarnermi inatsisip allanngortinneqarnissaani aqutsiveqarfik 47-mi (Upernavik) 2025-mi qaleralittassat qanoq annertussuseqassappat tonsinngorlugit?
- 2) Aqutsiveqarfik Uummannami ukiumi nutaami tassa 2025-mi qaleralittassat tonsinngorlugit qanoq annertutigissappat?
- 3) Aqutsiveqarfik Qeqertarsuup tunuani 2025-mi qaleralittassat tonsinngorlugit qanoq annertussuseqassappat?
- 4) Aalisartut PNNP-imut ilaaniartut eqqarsaatigalugit, qaleralittassat pisassiissutissat niuerutigineqarsinnaanngorlugit qanoq agguanneqartassappat?
4a) Pisassaasa annertussusissaat tonsinngorlugit paaserusuppakka?
- 5) Ilumoorpa Naalakkersuisunik oqaatigineqartoq PNNP-mut aalisartut ilanngunniangitsut qaleralinniarnermi paggatassanik pisassinneqassasut?
- 6) Paggatassanik aalisartussat qanoq annertutigisumik pisassinneqassappat, qanorlu naatsorsuutigineqarpat paggatassanik qaleralinniartussat qanoq amerlatigissanersut?
- 7) Paggatassanik qaleralinnik pisassat qanoq annertussuseqassappat Upernavimmi eqqaanilu?
- 8) Paggatassanik qaleralinnik pisassat qanoq annertussuseqassappat Uummannami eqqaanilu?
- 9) Paggatassanik qaleralinnik pisassat qanoq annertussuseqassappat Qeqertarsuup tunuani eqqaanilu?
- 10) Qeqertarsuarmi, Aasianni, Kangaatsiami Qasigiannuanilu illoqarfiit taaneqartut nunaqarfittai ilanngullugit immikkut qaleralittassinneqassappaat?
- 11) Qaleralittassanik pisassiinissami ukioq kingulleq 2023-mi 2024-milu qaleralit pisarineqarsimasut aallaavigalugit pisassiisoqassavaa?
- 12) Qaleralittassat biologit siunnersuinerat malillugu aalajangersaanerit ingerlanneqalissaappaat qaleralinnik aalisagartassiinissami?
- 13) Aalisartut pisassinneqarnissaannik qaffasinnerpaamik pigisaqarnissamik 2,5% tamakkiisumik atuutissavaa imaluunniit malinneqassanngila?
- 14) Aalisartut qassit aalisarunnaarnissaat qaleralinniarnermi PNNP killissarlu pisassaateqarnissami 2,5 % atulerpat naalakkersuisunik naatsorsuutigineqarpat?
- 15) Aalisarunnaartussat inatsisip allanngortinnerani aalisartut sulisartullu inuussutissarsiutaannik allamut nuutsinneqarnissaat atuutilerpat aningaasanik taarsiiffigineqassappat naalakkersuisunik?
- 16) Aalisartunut aamma PNNP atulerpat sionatigut pisarisartakkatik angusinnaajunnaarpatigut isertitassaminnik annaassaqarnerat pillugu, soorlu angallatinik sillimmasersuinerit ingerlaannartussat akissaqartinneqartariaqarmata aningaasanik taarsiiffigineqassappaat?
- 17) Aalisartumut ataatsimut akuersissut tunniunneqarpat, qaleralittassat PNNP malillugu ingerlaniarneqartunut qanoq annertutigissasut missiliorneqarpa?



Naleraq

- 18) Pissuussutit aalisakkat inuiaqatigiit kalaallit pigisarigaat aalajangertinniarneqarmat, PNNP tunngavilugu pisassiinermi aalisartut qanoq pisassaminnut akiliisinneqassappat?**
- 19) Inatsisissami siunnersuummi § 27-mi allaqqavoq tunniussinerni pisassiinermilu aalisagartassanik akileeqqusiisnaallutik, tamanna ilumoorpa?**
- 20) Aalisartunngorniat nutaat inuusuttut qanoq pisassinneqassappat?
20a) Tunineqassappat imaluunniit aatsaat qaleralittassanik piseqqaartassappat?**
- 21) Sunaana pissutigalugu umiatsiaqqat angallatillu qaleralittassaat immikkoortiterunnaarlugit ataatsimut kattunneqartut, umiatsiaqqanut angallatinullu pisassat ataatsimoortilerlugit?**

(Inatsisartunut ilaasortaq Hans Enoksen, Naleraq)

Tunngavilersuut:

Aalisarnermut inatsisissami saqqummiunneqartut malillugit ulluinnarni aalisartukkormiut sulisartukkormiut allarpasuillu allannguineri eqqorneqartussaapput, ilaatigut suliffimminnik annaasaqarlutik. Inatsisissaq pillugu nassuiaatini saqqummiunneqarput aalisartut ilaat qaqitinneqassasut.

Aalisartut pisassaminnik ikilileriffigineqartussat assut kalluarneqartussaapput aningaasarsiornikkut eqqornerlunneqarlutik annaasaqartussanngorlutik. Taamatullu aamma sulisartukkormiut suliffitik annaasussaavaat allatullu ajornartumik nuuttariaqalersinnaallutik, sumiiffimmi najukkaminni inuuniutissaarullutik suliffissaarullutillu. Politikkikkut allannguinerit innuttaasunut artukkiissapput. Naalakkersuisut qanoq eqqarsaateqarnersut aningaasatigut taarsiinissaminnut paaserusunnarpoq. Inuuniarnikkut ajornartorsiutit illussaqaarnikkut inissaaleqineq annertoqqimmat nunatsinni atugaat ajorluinnartunngussapput ulluinnarnilu tamakku inuunerat sunnerneqassaaq pineqartunut artornarlunartumik.

Apeqqutikka ullut suliffiusut qulit qaangiutsinnagit akineqarnissaat piumasaraara.